

中國地方志集成

江蘇府縣志輯 (40)

光宣宜荆續志

光緒宜興
溪縣新志

我序

朝中興戴亂寰海鏡清休養生息十有餘年自直省以及郡縣咸以徵文攷獻為急務合政教風俗為一書猗歟休哉此誠千載一時之嘉會已先是予屢曾捧檄于役陽羨從而周歷四境見山川之靈秀城郭之險要土田之奧衍民俗之善良固已如蘇長公所云意思豁然辛巳夏初攝篆宜邑始得披覽誌圖存稽田賦瞻謁壇廟咨訪遺蹟而於倉儲之建置書院之振興忠孝節義之流傳勲業文章之記載由今證古溯委尋源以為稍得緒餘庶可補苴不逮况當纂脩志乘之期其敢不夙夜匪皇

黃荆谿縣新志

序

一

以冀其庶厥事載攷志書之設有舊志析縣後有分志有續志昉於危司訓踵成於王徐二公分脩於櫟山甯氏續纂於仲倫吳子其間或踰百年一脩或纔數十年一續而莫急於今茲蓋粵匪倣擾之後圖籍幾盡大吏敦促經寒暑變易者屢矣會筱塘周京兆家居讀禮兩邑令吳公樂源徐公介亭請總裁志局聘耆宿森齋吳君實司綜脩之任越朞年而宜興荆谿新志十卷告竣凡為記者五曰疆土曰營建曰賦役曰文教曰武事為表者二曰職官曰選舉而人物別為一錄以古蹟藝文之攷證終之且增圖於首綴雜於末以示詳備予乃合前令會稽施君歸安潘君所刊甯吳二志先後檢閱互相校核竊歎體例之慎

序事之當取舍之公攷据之確而於寇禍之顛末殉難紳民婦

女之表彰不啻拳拳三致意焉然後知秉筆者之竭慮殫精而不敢輕心以掉者非有求勝前入之心而實出於時會之不容已也浩劫已過承平重觀積學儒臣方將續王會益地之圖纂職方形方所掌踵事增華以潤色

國家之鴻業而胥於邑志發其凡即後此通志府志之脩亦藉以旁搜而博採所係誠非淺尠予也會逢其適聿觀厥成猥以菲材廁名簡首既自幸重自愧矣

光緒八年龍集壬午仲夏之月權知宜興縣事江夏周鐔

黃荆谿縣新志

序

二

序

荆谿自雍正初載析宜興治至嘉慶間始有分纂之志道光庚子續修則或分或合今又四十餘年矣粵寇之平大吏促修志書是邦之志初議統纂者為前令芝岑潘君與宜令溥生施君中樞復起介亭徐君與宜令樂源吳君主之延聘耆儒吳森齋先生總其事其變統纂為續纂語在周京北彼塘序中纂未竟而宜令吳君先歿江夏周君劍泉代之徐君又謝世復兼攝焉辛巳之秋志澄承乏荆谿以年家子謁森齋先生於志局中先生錄示底藁見其體例之善蒐訂之精徵獻徵文洵足信今而傳後開卷之初釐然燦然記山則用山經之法記水則仿水經

宜興荆谿縣志

序

一

之文記物產則參酌乎爾雅呂覽貨殖傳事類賦之體為自來志書之規格雖武功靈壽之著名者未或過也至於建造之務戶賦之經文事武備之規養莫不條陳分明綜括簡當宰斯邑者資以攷鏡因其風俗而利導之興利除弊如詠諸掌而余讀之更有感焉櫟山甯氏之修嘉慶志也職官之後寔坊名宦吳君仲倫道光志乃別為一門是編所紀直列人物之首謂父母此邦何忍外諸夫余固嘗周覽四鄉矣逕張澤之橋幾更圯築而南宋之令猶偁張澤宋慶元間縣令建橋於清泉鄉後因以名問和祥之里屢易居山亭鄉有和祥圩明正統間縣丞和祥始築圩岸與張澤橋皆隸荆谿遺烈未泯愛而私之蓋先代而已然今茲之冠名宦於人物者或戶

祝未遙或馨香常奉大都為民敷患者居多固由俗美風醇不

忘長官之德亦涖民者之實有表見故能爭光爨詰偁道于勿衰也茲邑毘連三省自粵匪叛亂往來皖湖蹂躪頻仍迄於今民氣未甦田蕪未闢宜何如措施以遂其休養生息之機志澄竊祿於此兢兢焉勿勝是懼瞻望前賢心焉嚮往邦之君子有能匡正而輔翼之抑志澄之大幸歟志成例得弁言於是乎書光緒八年歲在元默敦牂橋余月知荆谿縣事嘉興錢志澄

宜興荆谿縣志

序

二

宜興荆谿縣新志序

賜進士出身前總理各國事務大臣順天府府尹周家楨謬地志臚于漢史方志掌于周官而上世九州之志謂之九邱邱者區也土地所生風氣所宜厥區以別實省志之權輿降及後禩則郡邑胥有志矣余於戊寅歲承乏順天府尹府故未有顯志余既視事樹議初纂請于

朝得報可羔雁名流漁獵古籍方屬寒而余以母喪去官反葬還鄉啟門不出既小祥邑侯鳳翔吳公遂昌徐公暉門求見以總裁邑志為請余惟宜興之志自我祖孝侯屢記風土趙宋二單踵之危司訓王別駕輯修於明代徐司理增述於

宜興荆谿縣志

序

一

本朝至雍正析縣荆谿後甯氏刪前編為舊志隸近事為分志疏冗交譏之仲倫吳氏以古文雄伯僅廣綴於道光之間補之附之為續志則一書而析為三迄今又四十載統纂固綦急哉粵賊初平大吏命各州縣修志書宜興荆谿初議通纂任靜山年丈綜其事集采輿論咸以世丈森齋吳先生年望最高總修為宜先生鄉居僻遠續學逃名遷延未至也兩邑侯施公溥生潘公芝亭議請潘詒清明經崔石甫司教先為分修崔既不赴詒清獨與李憩堂任卓儒兩司訓並蔣振之明經分任之未及就靜山年丈以病去任荆門前輩繼之復以官去在局諸君先後以事謝去大吏索書甚亟不得已仍刊前志並新彙未定首

哀錄上之彙經條斥嗣是上臺之檄迫於星火屬於雷雹限逾

促而逾莫敢應事遂中輟夫邑志所以備府省志之采擇也遺漏多而體裁駁以評未成之彙宜已余既才疏學謏又陳核官途梓鄉暗聞槩乎恂恍然志乘以察治忽久而勿成居是邦者豈獨諉為守土之責與為致書省臺寬其時復告靜山年丈荆門前輩借邑侯同造森齋先生之廬而請先生曰續復加續為乖體刊復改刊為費實使新纂者獨為一書別出而不沿襲舊

存者並查參攷互詳而無複種可乎皆曰善遂刻期開局更延分纂諸君听夕編摩吳徐二侯挾旬率數至徐故名進士商定講求往復靡厭半載而吳侯歿森齋世丈以葦喪去越兩月抵

宜興荆谿縣志

序

二

局則徐侯又殲賞匱計難拮据摩畫周侯錢侯繼之洎余除服入都而書適成凡十二帙余顏之曰新志與舊志分志續志鈞籤題焉其文簡而不畧詳而不瑣寬而不濫嚴而不苛以視前彙典故十增八事實十增四先生既自道其義例可勿贊也獨念畿輔有志為最重余初始未遂乃於鄉邑之編祖宗之著先就續修疑于急私緩公避難擇易之為矣雖然散者蒐遺者掇案者理跡者更新志之續其有以異于荆乎即謂吾邑之志為京府之先聲也可

宜興荆谿縣新志纂修姓名

督辦

江蘇候補知府張球

主修

常州府知府英敏

宜興縣知縣施惠

署宜興縣知縣周鐔

荆谿縣知縣潘樹辰

荆谿縣知縣錢志澄

協修

宜興縣教諭奚文彬

荆谿縣訓導姚之烜

總裁

總理各國事務大臣兼署都察院左副都御史順天府尹 周家楨

總修

五品封候選教諭 吳景牆

監修

二品封前光州直隸知州 任重光

前景東廳直隸同知 任傳綸

參定

宜興荆谿縣新志

纂修姓名

一

生員 潘汝明 三品銜湖南候補知府 任瑛

署太平縣知縣 褚一飛 署崇明教諭 潘承基

附貢生 儲沆 附貢生 湯其倬

歲貢生 張集英 候選直隸州州判 周鳳飛

三品封候選同知 任道源 歲貢生 歐陽泰

舉人 吳登 廩貢生 潘光河

歲貢生 路洪昌 附貢生 任謙吉

附貢生 李炳麟 山東候補知縣 朱大來

附貢生 蔣冠芬 清河教諭 崔徵彥

增貢生 湯大鏞 廩貢生 許乃武

雲騎尉廩貢生 徐沅瑞 前署上海教諭 徐斗文

纂營建賦役 纂疆土兼圖稿

試用訓導 李杜詩 五品銜候選從九 蔣詒芬

纂古蹟 纂職官選舉

增貢生 周湛霖 五品銜附貢生 蔣元福

纂人物兼粵冠記

前碭山訓導 徐葆辰 候選教諭 沈銘石

纂人物兼藝文

內閣中書 潘祖榮 高郵學正 蔣萼

纂武事營汛殉難紳民

宜興荆谿縣新志

纂修姓名

二

生 員 徐澤霖 生 員 褚錦辰
采訪兼校刊

監 生 任序槐 監 生 曹紀雲
議敘八品 徐麗宣 生 員 史之良

生 員 吳越卿 附 貢 生 傅元輝
生 員 畢紹沅 生 員 徐大經

童 生 李毓芳 生 員 葛啟元
采訪

附 貢 生 張煥標 增 貢 生 蕭希鄴
附 貢 生 裴榮程 候選同知 余維序

候選同知 楊兆綸 監 生 周斌
監 生 何毓瑛 貢 生 吳守章

監 生 顧光祚 監 生 宗建章
雲 騎 尉 吳楚雄 候選同知 張樹榮

廩 貢 生 盧慶鈐 舉 人 錢錦渠
廩 貢 生 周懋常 附 貢 生 毛文煒

附 貢 生 周同銓 廩 貢 生 譚燮臣
候選知縣 俞宗海 生 員 余蔭槐

舉 人 儲寶琛 附 貢 生 孫廷揚
廩 生 史秉章 生 員 陳時敬

寘荆谿縣志 纂修姓名 五

生 員 呂兆文 貢 生 張士英
監 生 徐學棠 監 生 程持義

候選同知 周佐臣 生 員 吳家驥
監 生 儲榮宣 監 生 李景鏞

監 生 胡承烈 監 生 蔣廷輔
監 生 吳德潛 監 生 丁殿芳

監 生 賈應乾 監 生 湯書魁
繪圖 削刷

監 生 朱恩需 監 生 史嗣廣

寘荆谿縣志 纂修姓名 六

宜興荆谿縣新志目錄

卷首總揭

叙目凡例附圖

卷一疆土

星野記 建置沿革記 區圖記 山記 水記 要隘

記 水利記 風俗記 物產記

卷二營建

城池記 廨署記 壇廟記 坊表記 倉儲記 津梁

記某亭燈樓附 善堂記 義阡記

卷三賦役

戶口記 田畝記 科則記鹽課附 解支記 漕運記 蠲

振記

卷四文教

學宮記 學額記 禮樂器記 書院記資興公項附 義學記

卷五武事

管汛記 咸豐同治年間粵寇記 殉難紳民記 殉難

婦女記

卷六職官

縣令表 學秩表 宜興僚屬表 荆谿僚屬表 城守

管表 水師管表

宜興荆谿縣新志

目錄

一

卷七選舉

科貢表 武科表 例仕表 武職表 封贈表 蔭襲

表 恩叙表 榮壽表

卷八人物

名宦錄 忠節錄 治績錄 儒林錄 孝友錄 文學

錄 義行錄 隱逸錄 藝術錄 寓賢錄 方外錄

列女錄 補錄

卷九古蹟

遺址攷 名勝攷 邱墓攷 寺觀攷

卷十藝文

載籍攷 金石攷

卷末雜著

徵祥 紀異 摭佚 定訛

宜興荆谿縣新志

目錄

二

宜興荆谿縣新志卷之首

總揭

敘目

宜興縣志之書前明危司訓因宋二單所修周侯風土記而作也王別駕又踵修之追

國朝徐司理纂述大備荆谿析縣已後帝氏刪存舊書別為分志詳畧頗失當道光間吾宗仲倫先生僅續修增補而已粵寇之變圖籍多喪勉平以來州縣先以修志為務吾邑之志初議

通修邑侯會稽施公歸安潘公馳書告余余老且病於兩邑掌故又多荒疏如史氏遺聞史惟彥有荆谿野錄徐氏

宜興荆谿縣新志

卷首

總揭 敘目

刊謫徐濱有宜興縣志刊謫陳氏小志陳經有荆谿南小志舊所瀏覽書亡盡志畏

難未至也既大吏促書甚迫邑中諸君仍刊甯吳二志并續纂新臺繕上之稟故未定其後鳳翔吳侯遂昌徐侯以京尹周君

筱塘奉諱家居請總裁邑志致書幣於余周君復偕兩邑侯造廬強起之余固辭不獲命涓日啟局與諸君商榷義例更為增

改長子協心喜攷摭之學隨侍局中凡分纂之稟俾綜緝而檢勘焉書成部為十卷冠圖於首華離勿形今志秉古圖經也既

核地圖當道地事敘厥顛繇莫詳於記故疆土居卷第一地靜而天動不可以據國祀主宿非應躔度記星野越楚荆邑秦陽

羨由邑升郡州復縣記建置沿革鄉或分或併里有大有小田

地邨市孰多孰少記區圖天目之來蜿蜒起伏直走與回環幹分南北記山九谿三湖為水之都荆渚界其中東會具區記水

易筮守險禮設掌固地利之勿籌防患何預記要隘旱則浚濬則疏流惡勿觀溉枯成腴記水利大難之後風還敦樸秀民漕

之斯古處難復記風俗華實之毛併上腴下邑比於名都記物產經野以定界體國以奠居營建次疆土焉實塘實壑昔隘今

廓增復以為常乃固金湯記城池主守在邑分蒞在鄉民志用肅

宜興荆谿縣新志

卷首

總揭 敘目

風記坊表化有本養有原民以食為天漕庾之外廩而藏之防

未然記倉儲除道成梁著於夏令設茶於亭以憩疲揭燈於樓以指迷則行旅不病記津梁孤貧者養捐瘠者葬流離者善待

或死或生行義無罪仁壽之寓於是在記善堂捨骼埋骨載於禮經芒芒浩劫尤多忠貞記義阡上利下而謀其生下戴上而

供其職賦役次營建焉有人此有土夫家人民數登於古記戶口地之衝蝕有變遷人之丈量有贏縮田額因之羨不足記田

晦肥磽不能均高下不能平厥田厥賦利用貞其餘課稅胥有經記科則量人為出邑之用比於國記解支雲帆杭稻轉矣

中海若效順利不窮記漕運豐年下供上饑歲上貸下嗷嗷哀

鴻樂於野記蠲振民以食貨裕士以儒術養司徒農官邦教是
掌文教所以次賦役也先師立極萬禩崇明倫有教四海通名
宦鄉賢孝與忠四祠旁射景仰同記學宮文藝無經濟武射匪
鈴鞞功令攸在人材之招記學額豆籩羽箭久存跡聽維茲釋
奠獨著於令記禮樂器學人嚮慕昔稱於朱子今者四鄉聞風
而起興賢與能胥於是記書院成人有德小子有造社學之規
於今未泯記義學誨之復其性保之衛其生武事所以次文教
也大水環其北深山迤其南籌防之揆時務當參記營汎歷五
百年無此巨劫原厭肉川流血記粵寇孰當死不死孰可生不
生張旗揭幟皆鄉兵四年未殲卒復城記殉難紳民閭閻何知
寔荆谿縣志 卷首 總揭 敘目 三

之治先教孝子孫榮光祖考表封贈既褒其先亦裕其後生榮
死卹君恩彌厚表蔭襲行善於一鄉達名於九閩善善也長表
恩敘三老五更自古攸貴碩望耆齡以爲人瑞表榮壽壽常者
稱其名特異者標其實人物之重不獨職官選舉也貞而錄之
足備史策功德之所被首在官師棠封楸壟人往愛遺錄名宦
馬革裹豹皮留殉難之中推其尤周盧未沫同千秋錄忠節官
無崇庫稱職是舉雲雨他山與於吾土錄治績逢時者報國守
道者化鄉德表士則模範難忘錄儒儒林詩偁張仲書美君陳開
閭壹至之行庸德以奇聞錄孝友君山震澤厥象雄偉英華之
發鍾秀多士錄文學若儒若俠獨行不乏取其一節尤重任卹
寔荆谿縣志 卷首 總揭 敘目 四

忘家殉國玉碎而光香燼而烈每生之思慙巾幗記殉難婦女
撥亂敷治治尤在人職官以次武事志姓氏者表之於其倫二
十二人文武之秩兩俟主之厥治同邑表縣令師儒之道尊司
教司訓官同學分表學秩兩邑文僚丞尉巡檢尉之外分治以
佐縣表宜與僚屬荆谿僚屬主守之營曰守備千戶百戶及外
委表城守營太湖之防是俾水師官與陸營比今易其長爲都
司表水師營此職官之媒吾邑者也邑中之人亦有縉紳非選
舉無因矣古選士之法進士明經舉之發解有名貢之分途有
程表科貢澤宮之內兼武士進士應舉與文同體表武科吏貢
擇其能賞卹升其秀軍行保擢積勞功茂表例仕及武職教忠

錄義行山深林密獨守其眞音塵可想所謂伊人錄隱逸創者
智述者巧精能之至技進乎道錄藝術名流所過草木皆芳彼
小賢之韜迹忍令湮沒於他鄉錄富賢談禪栖眞超然塵躋其
慕義而好文或同於儒學錄方外茗華紀美史俾管彤孝貞節
烈颺芳風才媛壽母女所宗錄列女論定者需時修闡者迷譽
間之既遲厥後附錄補遺近者紀其名遠者訪其迹遺老無存
非攷莫悉人物又次以古蹟城壘墮甍亭苑池臺形勢夷險今
昔盛衰攷遺址名山福地皆難稽近在耳目繪詠之資攷名勝
身歿不歿不朽碑表蕪滅備誰某攷邱墓仙栢佛舍南朝
之遺

敕建賜額增拓厥基攷寺觀於地者有變遷識於人者長流傳藝文之後古蹟十卷次第於茲全矣著作之錄如林如海誰其不泯將有在攷載籍楮墨久而做疊彝碑碣壽百世攷金石至於近世之恢奇者休祥咎祥皆徵之神異人異皆紀之前編之舛漏者見伏聞佚皆摭之文訛事訛皆定之襍綴卷末聊免遺闕而已猶憶纂書之初周君昕夕在局吳徐二侯亦閒日輒至徐侯尤廬商推一字未安郵籤往返毫幾成而吳侯歿余亦因妻喪去局兩月復至則徐侯溘逝周君又將以服闋入都曠寫晨書奇軀急就方慮空疏遺請簡率招譏屈指流光忽踰一載每念魏文遺言文章無窮日月易逝存亡聚散之感不禁茫茫交集也倉龍辛巳季秋之月邑人吳景牆序時年八十有四

宣興縣志 卷首 總揭 叙目 五

附凡例

凡書之成各有義例然具文見意不必明言也自左氏傳春秋乃發其凡杜注左傳更爲釋例後之人因有書成而自說凡例者論魚談鳥故習已成今仍其區條列於左

一志書之作以地爲重地非圖不明舊志全境圖外但有城垣學宮今則區各爲圖並及山川名勝其本一區而分或析隸者如開寶萬金清津從善均山及山亭成任山亭等區均仍舊爲一

一舊志自卷首卷末以外中分十卷今亦不加增損卷一疆

土舊作疆域首以星紀終以土產與標題名義不相入今改星紀爲星野不取分度之說其山川舊合一門襍叙無條貫今攷山經意叙山水用水經法叙水分爲兩記山水既塞舊入武事今改阨塞爲要隘列山水後土產改稱物產襍用爾雅呂覽貨殖傳事類賦之體以記之種類既繁文格不能拘也

一營建之志舊有廢署亭館今歸古蹟倉庫積儲舊析爲二別有積儲在卷三田賦中今仍吳志并爲倉儲其橋梁舊志分區備志吳志俱散記異地同名無可辨別今仍按區編列并記設渡處改稱津梁義阡舊在郵所內今分郵所爲善堂義阡兩記

宣興縣志 卷首 總揭 凡例 六

一舊志田畝列區圖其田賦志戶口單記人丁保甲編查之法幾無可用今遵全書改田賦爲賦役首紀戶口人丁之數於戶口後載明田畝另爲一記並及蘆灘民山其襍稅一門併附科則

一舊志學校居卷四武備在職官後居卷六今卷四學校改傳文教武備改傳武事連屬卷次其四祠在官牆內於學宮兼記之不另立門武事首詳營汛次記粵寇以殉難紳民及婦女繫其後

一舊志職官選舉今並改爲表取其行排整齊便於檢覽職官傳疑者闕之選舉微辟吾邑久無應者諸貢襍記不分今

并科貢爲一表橫列四行首進士次舉人次拔副恩歲優貢次廩增附貢各以時類相從其武進士舉人亦合爲一表武職不由科目者舊增武舉後今另列爲一表其蔭叙一門今改蔭襲吳志又增恩叙今亦仍之其耆壽增恩叙者今改併榮壽另爲一表

一名宦舊增職官後吳志另立一門今列諸人物之首舊志忠義多有名臣而非死節者今於殉難之中錄其殊尤改併忠節舊志改儒林爲理學吳志仍復儒林之名今仍吳志文苑改爲文學期務實也行誼改爲義行義卽誼也僑寓非賢不著故併寓賢方外舊綴卷末雖非我教而超真練性亦人

富興縣志

卷首

總揭 凡例

七

物之奇者今殿於後列女入史自范蔚宗以來皆併某女某妻舊志但併某氏注父及夫名於下殊乖從父從夫之經今改從史例孝貞節烈各以類從才淑舊志不載然惠班令嫺揚詩守禮今古同併不獨以節著也今特登載而以壽母終焉

一宜興荆谿雖經分縣治同城學同宮自田賦有額職官有守選舉有籍以外人物皆無可分惟殉難紳民記及列女錄人數既繁因地分載取其易檢而已

一舊志古蹟禱敘遺址今則分類詳攷其名勝今古不異就題詠之所及誤注者辨正之碑刻歸於藝文寺觀舊在卷末

方外之前今併入

一藝文舊志獨載詞翰吳志先以載籍今於前目未登後代更出者悉以經史子集分類編敘其詞翰則紀事之詞分列各門若碑刻一門舊列古蹟今亦收入藝文更列彝器於前題曰金石其遺於前而出於後者或續或補有已見前志而誤注者亦攷正之

一舊志卷末載祥異軼聞今則以天事之吉凶者徵之爲祥人事之詭異者紀之爲異軼聞誌怪荒誕者屏之確鑿者併入焉其文獻之零落見於他書者前志失收更爲摭供其前志訛謬之易見者畧爲勘定隨得輒書不能盡述也

富興縣志

卷首

總揭 凡例

八

一是志作成於大難之後山遭鑿而珍珠彰木被焚而芳林出人物之錄採而俞解補而猶漏又局經中輟前後易手故采訪校刊之人亦數倍於前也

一班氏作志已有自注五代史注或云歐公託名徐氏自言其例者特綴文不多讀者忽不察爾然既發自前賢固不妨波瀾之推助也

一荆谿谿字前志俱作溪今作谿者從新頒印文也至于古省通假之字原稟所用略近班書繕寫者或好古而仍其文或從時而易其體字畫未能一致例雖自亂義尙無乖則亦聽之若亥豕魯魚必當勘正掃葉之況惟諸君其勸焉

圖

圖籍之興尚已夏后氏治水召山川之神詢其名物命伯翳紀之爲山海圖郡國圖經踵茲以起周官大司徒以土地之圖周知九州地域廣輪之數則名物之外道里尤詳古稱君子所繇重山川之能說哉元制州縣鄉都每里爲圖今里圖名存而已宜輿荆谿志舊圖全境踰漏劇多餘自城垣學校外概焉從闕夫志乘之作原本圖經人物雖重次於地理前志載山川橋梁或但云去縣幾里按名徵實開卷茫然覺形勝者無以知夷險辨土宜者無以窺高下識郵程者無以知道途之所歷尋遺闕者無以知典故之所存覈諸夏經周禮之文蓋刺謬矣國家自

宣荆谿縣志

卷首

九

粵賊勦平各省皆繪輿地測量分數覈算加詳誠知地理迥關不容忽也茲編所著彙定全境其治城以外鄉之遠近以次各爲一圖山水津梁名者紀焉分鄉之處點墨以識其界其高山大川各爲一圖其勝景之傳篇籍流題詠者又各爲一圖通計圖凡三十雖四境甚廣楮幅有限而循是以求梗概可得云

彙定兩縣全境圖 城廂圖

開寶鄉圖 洞山鄉圖

萬金鄉圖 成任鄉圖

神安鄉圖 清津鄉圖

百亭鄉圖 五賢鄉圖

從善鄉圖

金泉鄉圖

永豐鄉圖

山亭鄉圖

均山鄉圖

清泉鄉圖

銅官山圖

玉女潭圖

善卷山圖

張公洞圖

泝練浦圖

卓錫泉圖

龍池圖

蛟橋圖

畫谿圖

浮山圖

離墨山圖

洮湖圖

漏湖圖

太湖圖

全境圖

宣荆谿縣志

卷首

圖

十







